

中華民國二十五年二月初印刷

陸放翁全集（全二冊）

定價國幣四元

（外埠酌加運費匯費）

出版者 國學整理社

發行者 世界書局

印刷者 上海大連路世界書局

上海及各省 世界書局

版權所有
不准翻印

發行所

仿古字版

白石香山詩集

居易諷諭之作。比附風人之義。如新樂府五十首等。尤所自負。詩體平易。流傳最廣。當時禁省觀寺郵侯牆壁之上無不書。王公妾婦牛童馬走之口無不道。而傳寫尤夥。全書長慶集凡二十卷。後集凡十七卷。別集一卷。補遺兩卷。凡香山之詩。無不搜羅殆盡。卷首附白石山年譜一卷。尤屬名貴。

精裝一厚冊

一元二角

（附掛號三角三分）

世界書局發行

東臺典籍。王孝迪則西臺詳聞真文史。靈素與王韋有隙。則曰韋廐吏也。常與帝君駭焉。其他有名者甚衆。是時明節劉后方幸。又曰。后在神霄爲九華玉真安妃。蔡京曲構詩曰。保和前殿麗秋暉。恩許塵凡到綺闥。曲構猶闌傳密詔。玉真軒裏見安妃。是也。安妃名在真誥。蓋天之高真。而靈素敢演冒如此。又嘗密奏兩靈真裔將誕。蓋明節方就館耳。靈素賜號蕊珠殿侍晨金門羽客。通真達靈先生。上刻玉爲降真召靈之寶。自用之。而錫靈素塗金印。文曰通真達靈之印。班視執政。錫賁至不可計。有弟子姓丁。自言謂之四世孫。上爲下詔。贈爲少保。士大夫無恥者。日萃其門。所荐進皆卽拔擢。又著令。道士居僧上。而道士入僧寺。輒據上席。已而遂冠笄僧尼矣。先是宮中數有物怪。或見一老媼。黃帽黃衫。抱十餘歲兒。紅袍玉帶。乘輿鳴蹕而出。媼兒皆有悲泣容。其將見。必先有聲如雷。宮中爲之雷。去晨。上常手札賜靈素。略曰。元符三年冬。內人自秦陵還。摘皂莢一籠入宮門。籠輒自躍。皂莢皆跳出。是祟物顯行。宜善治之。勿爲髡徒所笑。靈素竭其術。不效。既久。上益厭之。遂放靈素歸故郡。宣和末。病死。靈素之退憾釋氏也。每爲金狄亂華。又剗圍宮殿爲仙女騎驪鳳之狀。名之曰女真。皆妖言也。

余於放翁逸詩遺文。凡史籍及稗官野冊。撫拾幾盡。又訂正南唐書及老學庵筆記附之。意謂放翁小碎。亦無遺珠矣。既簡說郭厚海。又得家世舊聞若干則。喜而讀之。真不啻登讀書巖者。第其卷末載蔡京述妖異事獨詳。不解何也。湖南毛有記。

園庵中當作月狀以才灰泥之。傍置瓦竈四。竈後作小茅屋三五間。繞之。凡蒔之茶藥蔬果。皆用薪炭。及齋僕之。廬具器。亦當簡約。非甚不可已者勿置。

是具甜亦微酸約非甚不可已者勿盡

爲豆粥用新好之烏豆一斤炭火煮一日當糜爛可作三升米粥至極熟下豆入糖一斤和勻又入細生薑菓子西兩一法蠶豆熟後以熬熟麻油浸之豆上油深寸半密覆之文武火煮候露出豆即以此拌轉更蠶令粒盡油方止每餐成粥一釜可下豆三四升攪勻入糖如前不用薑菓子

地黃粥用地黃二合候湯沸與米同下刮片啄之合炊令熟

游器中候粥欲熟乃下

枸杞粥用紅熟枸杞子生細研淨布汁每粥一椀用汁一盞加少煉熟蜜乃服。

熱宜乃

熱蜜乃藥

苦菊冷淘用慢火煨苦菊候熟細切之。以重油鹽醬拌和勻作冷淘此蜀名士劉表叔望之法也。

物以乘除之。如湯餅稍多，則減飯。飯稍多，則減肉。要不過此數。食罷，行五七十步。然後解襟擺帶，低枕臥。此養生最急事也。

生最急事也

孟子離婁篇言待我以橫逆一節以爲當自反最爲要論然不免有怒心如此亦妄人及與禽獸彘犬之言是也要當終自反而已

拭布當常置陰處近火則堅燥不可用若拭酒必隨手洗濯令淨

拄杖唯蘆竹最佳尋常用作簪管者是也一節疎二堅勁三色以四至輕五易得

米元章言春和手不皴可自錢研作字口有精神墨不自研筆不自滌紙不自口研水不自汲亦如之

外人書以李西華蔡端明爲第一至蘇內翰黃太史米元章超軼而放姿態橫生尤爲絕倫南渡後惟石湖放翁猶有前輩筆意下是無足觀矣放翁家會稽遺墨多流落人間此帖宜爲僧石溪所寶宇文公諒謹題

齋居紀事

研每遇磨墨用帚篩以蓋覆之或謂北方多塵故須覆此說殊不然墨不覆以易乾乾必展磨故墨滯而損筆又研不免近窗故昔人用研屏以障日氣長速乾也筆用訖亦當撥之常置一小器水於研旁加槲貴筆常潤又倉卒便可使亦自當筆不可不知

研水必日一換仍用清泉塵多處密覆乃佳

漆研匣茶奩之屬。勿以冷水洗水能敗漆。當戒。

煮淨用以椒鹽煎湯以少許拌膩粉如薄粉胡荽反饋蜜
藏選用綿包置奩中時一出暴

11

凡紙必作筒收每筒不過二十五張
逐巡翻法用白麵扞古罕反作薄
厚薄隨意急用冷水亦可

入箱中。卓頭太高者。先裁令適宜。使動者置面上。則不壓屈。

厚薄隨意。急用冷水亦可。

初中薄熟，翻勿令焦，壓爆乾，杆羅令細，貯之。要用時，旗以冷熱湯調作羹。

每年芒種以前。乘好日色。設牀暴曬。

筆墨碑畫匣皆以梓木爲之。匣深其

極燥入脂煎厚皮紙製成勿宜厚五八分乃佳

照書獨必令蠶而短。勿過一尺。蠶則

則元。清。老。勿。用。銅。鑪。進。香。一。點。鐘。油。燭。有。夾。瓷。蓋。

省油之半燈檠法高七寸盤闊六寸受

種草茶法必先煎濯令無苦茶氣風日

日中環極燥。擇去茶子小黃葉。

量後去白干更添湯火乃入確少下而急轉如雪花數片乃佳仍用始沸湯點湯老則吐
茶頁旋置。正可三五日用。過七日。今天宜見。王

100

有烟火。又忌與香藥同貯。皆當出自蠶絲。勿妄所棄。

一焙但切忌熾火又

鱖魚二月以前取在膾中或塊裝者。去支。正湯裏令

三定時。改口。隨書。

右放翁齋居記事帖稿真迹。內多塗抹。余近得於洞庭陸氏。陸氏得於會稽鬻古書者。欲便觀覽。因錄置几席。嘉靖丙戌臘月四日。是日雪片如手。興之所至。呵凍作書。殊不覺寒也。中舉子袁襲尙之。在臥雪齋漫志。先君搜袁放翁著作。可謂備矣。但不得老學菴續筆記。以爲欠事。屢近讀袁尙之嘉藝錄中。有齋居記事一篇。從放翁真跡抄出者。并刊附於後。焉末缺字。想係滄敝處。嘉藝錄者。尙之手錄其家藏及所見法書名畫題識。都爲一冊。亦朱性甫鐵網珊瑚之流也。但其記本之紙絹。軸之大小橫立。以及若何設色。今皆收藏姓氏。視性甫爲詳密云。級古後人。手展識。

卷二十一

夜歸導街巷書事

近坊燈火如晝明，十里東風吹市聲。遠坊寂寂門盡閉，只有煙月無人行。誰家小樓歌惱倦，餘響縹緲繁簾櫳。芳心自古乏真賞，此恨略與吾曹同。歸來空齋臥凄冷，燈前病骨蟻蟻影。獨吟古調遣誰聽，聊與梅花分夜永。

馬上作

三十年前客帝城，城南結騎盡豪英。湖山冷落悲陳迹，文字流傳付後生。衰老更禁新臥病，塵埃時拂舊題名。馬頭風捲飛花過，又得殘春一日晴。

行在春晚有懷故隱

老婦明時乞一官，逢春惆悵獨無歡。舊人零落北音少，市肆蕭條民力殫。歸計已裁千箇竹，殘年合挂兩梁冠。石帆山路頻回首，箭茁蓴絲正滿槃。

饒曹直憲

春晚氣始和，微雲淡朝陽。開軒面小庭，露積蕝薇香。遊絲卷欲盡，忽復百尺長。而我正遺事，枕藉書一牀。鶯波雖稽天，未遽妨人狂。惟當傾綠酒，莫待熟黃梁。

讀書

兩兩星躔九九車，天涯笑我醉騎驢。床頭正可著周易，架上何妨抽漢書。幸有古人同臭味，不嫌兒子似迂疎。頻然白髮難堪，耐事禁愁卻有餘。

小昭隱院

仙客在都下，與之相從今沒已久。見畫像於院中，作詩弔之。

晨入省中偶書

清風拂畫簾，初日照素壁。花枝蝶小憩，草葉露時滴。房櫳闔無人，流水聲激激。摩挲語枯筇，伴我生幽寂。

春晚

今年病過春，得健春欲盡。更堪風雨橫，紅煙樓綠潤。一笑本自難，
破槎霜雪滿衰鬢。平生慕陶謝，著語終不近。

觀潮至劉孟至江上作

江平水面如鏡，日午樓船帆影正。忽看千尺涌清頭，頗動老子乘桴興。
濤頭洶洶雷山傾，江流卻作鏡面平。向來壯觀雖一快，不如帆映青山行。
嗟余往來不知數，慣見買符官發錢。雲根小築幸可歸，勿爲浮名老行路。

新晴馬上

一劍飄然萬里身，白頭也復走京塵。畫樓酒飾猶殘雨，綠樹鶯聲催暮春。
絕塞勒回勳業夢，流年換盡市朝人。此生安得常強健，小艇湘湖自采蓴。
相巒在畫山腰。

過六和塔前江亭小憩

斷岸孤亭日暮時，欄邊聊試葛巾欹。偶觀挂席乘潮快，便覺懸車納祿遲。
痛飲相如無奈渴，清言叔寶不勝羸。年來親友凋零盡，惟有江山是舊知。

春夕睡覺

破衫羸馬老黃塵，人自衰遲歲自新。積雨恐侵春甲子，昏燈嬾守夜庚申。
花枝影轉欹殘月，鼻鼾聲豪撼四鄰。自笑功名猶有夢，散關金鼓震函秦。

送霍監丞出守盱眙

淮浦鱗鱗浸碧天，卽今誰料作窮邊。空聞甌脫嘶胡馬，不見浮屠插紫煙。
事障久安無檄到，盃觴頻舉有詩傳。長城萬里英雄事，應笑窮儒飽畫眠。

寄題徐載叔秀才東莊東莊乃菴書之所

次公狂狂何必酒，直諒多聞俱可友。萬籤插架號東莊，多稼連雲亦何有。
今年偶入長安城，不識貴人呼作卿。南臺中丞埽榻見，北門學士倒屣迎。
郎官駭寒誰肯顧，君來下馬談至莫。東莊雖富未可矜，更要縱橫開武庫。

入省

點點輕花隨綠盃。翩翩羣鳥犯黃埃。眼邊好句等閑過。夢裏故人時一來。玉塞請行狂故在。霜髭自照老相催。今朝涼冷文書少。隱几南窗聽轉雷。

出省

五更東帶曉朝雞。出省還家日已西。酒市雨餘青旆重。河橋風爽紫羅嘶。久懸旅飯糜倉粟。常憶新橙擘膽齏。萬事似棋聊爾耳。年來著數不勝低。

和周元吉右司過弊居追懷南鄭相從之作

梁益東西六十州。大行臺出北防秋。關兵金鼓震河渭。縱獵狐兔平山丘。露布捷書天上去。軍諮祭酒帳中謀。豈知今日詩來處。日落風生蘆荻洲。

尤延之侍郎屢求作送初堂詩詩未成延之去國因以奉送

抑何纍纍綬若若。只堪人看公何樂。忽然振袖開布囊。慰滿平生一丘壑。遂初築堂今幾時。年年說歸裏得歸。異書名刻堆牖屋。欠伸欲起遭書圍。拾之出遊公豈誤。綠髮朱顏已非故。請將勳業付諸郎。身踐當年遂初賦。

送張野夫寺丞牧谿州

皇天方憂九州裂。建隆真人仗黃鉞。陣雲冷。壓清沅關。賊壘嘖。嚶氣如髮。諸誅猾虜入檻車。北風吹。乾草頭血。一龍上天三百年。舊事空聞遺老說。金印斗大誰作州。公子玉面蒼髯虬。賦詩健筆挾風雨。論兵辯舌。戈矛別君。帳飲瀾橋頭。長歌爲君寬旅愁。戰場遺迹儘可畫。尺素寄我關河秋。

院書事是日丞相過局

信史新修稿滿床。牙籤黃牋帶芸香。中人。賜賜初宣旨。丞相傳呼早出堂。皇祖聖謨高萬古。諸賢直筆擅三長。孤臣曾趣龍墀對。白首爲郎只自傷。紹興辛巳。曾蒙恩賜對。今二十九年矣。

病中數尋曾無逸架閣見問今日忽聞徙居走筆奉簡因寄之約

病羸不辨攬衣迎。剝啄空懸扣戶聲。凡藥豈能驅二豎。清心幸足制三彭。巷南僦屋儘可問。歲晚吾亦行。不

黃昏雲齊雪意熱。二更雪急聲欲絕。地爐對火得奇溫。兔醺魚脯窮自蓄。引盃且作稿面紅。脫帽不管衰鬢禿。浩歌三終徐自和。藏書萬卷方盡讀。從來本不擇死生。況復區區論禍福。雪晴著屐可登山。與子一放千里目。

即事

塹壁蠲茅養病翁。五更擁褐聽霜風。老雞棲冷啼偏早。惜火灰深撥更紅。知我向來惟斷簡。會心終竟在孤篷。東歸已賣腰間劍。舊叟從今不諱窮。

到家旬餘意味甚適戲書

天恐紅塵著脚深。不教經歲去山林。欲刪清淨三生願。先洗功名萬里心。石鼎甌圓閑煮茗。玉徽零落自修琴。晚來剩有華胥興。臥看西窗一炷沉。

雨後復小雪

兩雪來無已。冬春忽欲交。賤貧安淡薄。老鈍耐譏嘲。村酒兒能取。農書手自鈔。暮年真箇懶。屋漏旋添茅。

鯉魚行

鯉魚財三尺。淺水不覆脊。雖懷江湖樂。已斂刀几赤。長鯨之長幾千丈。雪蹴山傾萬重浪。縱遊不厭滄海寬。一躍已在青天上。身世局促古所哀。噉啗貪餌胡爲哉。人間構績莫更顧。夜半變化乘風雷。

雪夜作

雪重從壓竹。竹折有奇聲。雪深亦莫埽。小窗終夜明。我老尙耐冷。開卷對短檠。龍茶與無酒。得失不足評。但思被重鎧。夜入蔡州城。君勿輕癯儒。有志事竟成。

晨起

倦枕廉纖雨。幽窗料峭寒。溪柴旋篝火。野蕨闢登盤。年老衣冠古。身閑宇宙寬。兒孫生我笑。趨揖已儒酸。鄉市小把柴。謂之桑柴。蓋自若耶來也。

野飯

經年食粟厭陳陳。天遣香秬饋野人。黃耳重生蕭鉢富。白頭韭出客盤新。此生不復營三釜。一飽何曾羨八珍。尙

綿古來高士在。孟英無慘甌生塵。

醉中浩歌罷戲書

造物小兒如我何。還家依舊一漁蓑。穿雲迤邐蘇門嘯。卷地悲風易水歌。老眼閱人真爛熟。壯心得酒旋滄磨。傍觀虛作驚愁想。點檢霜髯卻未多。

甲夜

甲夜星照泥。平旦雲行西。小屋古澤中。天昏雨淒淒。避溼升我堂。垂翅閱老雞。所欣園中蔬。冒土青滿畦。門無今雨客。路滑愁長堤。一盃且復睡。物理何足齊。

春雨

苦雨何時止。微雲又作陰。傍簷時小立。隱几復微吟。枝重殘紅溼。隄平漲綠深。物華元自好。老病負登臨。

又

春愁無處避。春雨幾時晴。黯黯陰連月。蕭蕭滴到明。窗昏減書課。弦緩咽琴聲。何以娛幽獨。新醅手自傾。

記夢

夢裏都忘兩鬢殘。恍然白紵入長安。誰教紙熟修溫卷。做得驢騎候熟官。紅葉滿街秋著句。青樓燒燭夜追歡。如今萬事消除盡。老眼摩挲靜處看。

野興

紅飯青蔬美莫加。鄰翁能共一甌茶。舍西日緊花房斂。港北風生柳脚斜。筇杖不妨閑有伴。茆簷終勝老無家。自驚七十猶強健。采藥歸來見暮鴉。

又

蟹邊莫笑久星星。造物常鍾我輩情。每帶餘醺躡花影。又和殘夢聽鶯聲。軒窗風過書簾亂。洲渚潮生釣艇橫。轉子未除豪氣在。文章都待不平鳴。

杭州夜歸

昔如架上九秋鷹。今似窗間十月蟲。無復囊轅思出塞。不妨粥飯略同僧。白蘋洲晚初回棹。綠樹村深已上燈。莫謂陶詩恨枯槁。細看字字可銘膺。

又

野艇遙遙信所之。歸來常及欲昏時。陂塘煙重怨姑惡。林薄月明悲子規。出谷寺鐘初漂渺。穿籬燭火已參差。欣然笑向簷門說。又了浮生一首詩。

或問余近況示以長句

天亦知予類是真。暮年乞與自由身。幽尋東浦驚迎櫂。獨臥北窗驚喚人。野卉滿頭狂取醉。草廬容膝樂忘貧。死時是處堪藏骨。不用憂離更作鄰。

估客有自蔡州來者感懷稱曰

洮河馬死劍鋒摧。綠髮成絲每自哀。幾歲中原消息斷。喜聞人自蔡州來。

又

百戰元和取蔡州。如今胡馬歛淮流。和親自古非長策。誰與朝家共此憂。

初夏郊行

小隄孤吟恐作愁。長堤曳杖且閑遊。破雲山頭千螺翠。經雨波涵一鏡秋。荏苒青紅村步市。闌干高下寺家樓。去年此日君知否。十丈京塵沒馬頭。

重午

葉底榴花疊綠綰。街頭初賣菰池冰。曾稽不減冰。賣者皆自行在來。世間各自有時節。蕭艾著冠稱道陵。

夏日

赤日黃塵穢職忙。放翁湖上獨相羊。竹枝露滴驚殘夢。荷蓋風翻送早涼。暑用酒逃猶有待。熟憑靜勝更無方。空齋一榻偷然臥。閑看衣篝起篆香。

睡起見楊花滿庭偶書

斷香裊裊傍窗紗。睡起替勝日未斜。堪歎一春風雨惡。今年四月見楊花。

梅雨

沐罷斜簪二十冠。斷雲殘靄暗江干。絲絲梅子熟時雨。漠漠楝花開後寒。剩采芸香辟書蠹。旋春麥麩瀝家餐。日長倦睫惟思閉。老枕真須抵死寬。

醉歌

讀書三萬卷。仕宦皆束閣。學劍四十年。虜血未染髣。不得爲長虹。萬丈掃寥廓。又不爲疾風。六月送飛雹。戰馬死槽櫪。公卿中和約。窮邊指淮肥。異域視京雒。於乎此何心。有酒吾忍酌。平生爲衣食。斂版靴兩腳。心雖了是非。口不給唯諾。如今老且病。鬢禿牙齒落。仰天少吐氣。賊死實差樂。壯心埋不朽。千載猶可作。

醉書秦望山石壁

秋雨初霽開長空。夜天無雲吐白虹。擘波浴海出日月。破山卷地驅雷風。峴峩黃流瀉浩浩。太華巨掌摩穹穹。平生所懷正如此。拜賜虛皇稱放翁。放翁七十飲千鍾。耳目未廢頭未童。向來楚漢何足道。真覺萬古無英雄。行窮禹迹亦安往。聊借曠快洗我胸。濤瀾屢犯蛟螭怒。調谷或與精靈逢。黃金鑄就決河塞。俘獻頤利長安宮。不如醉筆掃青嶂。入石一寸豪健驚天公。

秋夜

藥餌扶衰疾。琴書返故園。陶公方止酒。樂令且清言。煙鳥宿沙際。露螢明草根。塵囂不到處。此意與誰論。

夜意

孤夢初回夜氣清。世塵掃盡覺心平。月沉洲渚漁歌遠。人語比鄰續火明。獨汲寒泉鳴細甕。靜聽漏鼓下高城。悠然坐待東方白。卻看軒窗淡日生。

蝸庵

小葺蝸庵便著家。槿籬莎徑任欹斜。爲生草草僧行脚。到處悠悠客泛槎。孤蝶惜衣晴曬粉。穉蜂貪蜜晚爭花。有書嬾讀吾堪愧。睡起何妨自種茶。

予十年間兩坐斥，羣雖擢髮莫數而詩焉首謂之。嘲詠風月既還，山遂以風月名小軒，且作絕句。扁舟又向鏡中行。小草清詩取次成，放逐尙非餘子比。清風明月入塵評。

又

綠蔬丹果薦瓢尊，身寄城南禹會村。連坐頻年到風月，固應無客叩吾門。

題梅溪詩經堂

它人爛醉錦瑟傍，君獨醉心編簡香。沉酣骨髓春盎盎，如枕麝香羅盃觴。三萬牙籤插高架，五千黃卷撐枯腸。信哉名教有樂地，白首不入無功鄉。

得親舊書問近況以詩代書報之

溪頭日日弄潺湲，敢料餘生竟得全。白簡免勞中執法，青銅罷算小行年。花前一笑頻開口，林下深藏永息肩。欲養金丹還嬾去，身今已是地行仙。

放逐

放逐雖慙處士高，笑譚未減少年豪。青山隨處有三窟，白首今年無二毛。正得筇枝爲老伴，盡將書帙付兒曹。飲酣自足稱名士，安用辛勤讀楚騷。

月下野步

空中磊落斗跨天，道旁荒寒月滿川。行歌驚起鷗鷺眠，三萬里在拄杖邊。敲門索酒太華前，飛渡黃河不須船。袖中短鐵青蛇挺，昔曾巴丘從老仙。削平巖崖扶雲煙，此妙可得不可傳。雷聲殷殷電煜然，已覺遠碣無腥羶。雪花如席登郢連，歸來卻看東封年。

自諒

狐疑渺煙波，衡門暗薜蘿。衣冠醉學究，世有辭學究。毛骨病維摩，撫几時長喏。臨觴亦浩歌，無勞問蝸角。蠻觸正橫戈。

午睡起遇急雨

指眼捫髯破晝眠。聞邊小立獨幽然。幾花雨打無飛蝶。高柳風驚有墮蟬。才略本居元子下。功名那計祖生先。今朝會意君知否。目送飛雲揮五絃。

夜雨暴至

堂中虛窗雨氣入。堂前叢竹雨聲急。山童束縵走求火。屋漏惟愁打書檠。秋風飄颻九千頃。自鏡湖北際海。壑地凡九千頃。皆吾甌上腹也。此夕真成傾玉粒。蹋歌作社約比隣。一飽今年可平揖。

睡起作帖數行

睡餘得清風。起坐傍書几。日長誰晤言。賴此管城子。欣然共游戲。一笑我忘爾。寧鴻偶下集。但怪驚不起。古來翰墨事。著意更可鄙。跌宕三十年。一日造此理。不知筆在手。而況字落紙。三叫投紗巾。作歌識吾喜。

新秋

短鬢蕭蕭失舊青。此身已看作郵亭。新秋無限淒涼意。盡付風蟬與露螢。

秋興

去秋尙十日。軒窗夕已涼。露草黏煙螢。壞壁啼寒螿。丈夫志四壁。臨書慨以慷。白髮忽如此。惟有歸耕桑。藥餌且枝梧。鄰曲相扶將。豈無甕中酒。老病不能觴。南山有歸處。歲晚柏已行。下從吾親游。此事歲月長。

又

無食苦日長。無衣念秋近。雖云老農圃。未害樂堯舜。士生要弘毅。病在隨驕吝。得喪纔幾何。哀哉以身徇。平生最耐事。霜雪亦滿鬢。憂患一洗空。吾道其少進。

幽居

幽居人迹稀。柴扉晝常掩。小池清見底。疎雨時數點。蟬鳴秋未衰。花房暮先斂。老大固多傷。年華還冉冉。

山居食每不肉戲作

鄰友留魚不忍烹。烹將蔬藕送餘生。二升香粟香炊飯。一把畦蔬淡煮羹。莫笑開單成淨供。也能捫腹作徐行。秋來更有堪誇處。日傍東籬拾落英。

自笑

諸公衮衮幾金貂。自笑無材負聖朝。老氣醉中猶跌宕。閒身夢裏亦逍遙。舊書日伴吾兒讀。薄飯時從野叟招。病後秋衣須早製。竹窗殘夜雨蕭蕭。

世上

世上悠悠東逝波。金丹將奈鬢絲何。牆頭楊柳知秋早。窗外芭蕉受雨多。伏櫪自應如老驥。還鄉元欲借明駝。吾家一局千年事。從使旁觀爛斧柯。

夜歸偶懷故人獨孤景略

買醉村場半夜歸。西山落月照柴扉。劉琨死後無奇士。獨聽荒雞淚滿衣。

秋夜自近村歸

江頭皓歎天宇寬。刺船歸來清夜闌。女貞林黑月未上。姑惡聲悲村已寒。不恨故交零落本。知浮生難控搏頭。童面橋更安往。莫問傍人君自看。

夜聞蟋蟀

布穀布穀解勸耕。蟋蟀蟋蟀能促織。州符縣帖無已時。勸耕促織知何益。安得生世當成周。一家百畝長無愁。綠桑鬱鬱暗微徑。黃犢叱叱行平曠。荆扉續火明燈煙。黍稷盈甕香浮浮。耕亦不須勸。織亦不須促。樓上有餘布。蟲中有餘粟。老翁白首如小兒。鼓腹擊壤相從嬉。

秋夜風雨暴至

風聲掠野來。傾洞如翻瀾。雨聲集庭木。相葉聲最豪。殘暑一洗空。凜然念綿袍。秋穀已登場。欲忘終歲勞。東舍捉鵝鴨。西舍烹豚羔。雞落窠。花房權壓小槽。貧賤何所歡。樂歲成吾高。卻拾牆角葉。拂拭芻豢飴。

月下小酌

草樹已秋聲。郊原喜晚晴。風生雲盡散。天闊月徐行。下箸檉頭笑。傳盃甕面清。追歡猶可勉。徂歲不須驚。鄰曲有未飯。被追入郭者。惘然有作。